

ПОСЛЕДОВАНИЕ МАЛОЙ ПАНИХИДЫ

(заупокойной литии без священника)

Три поклона с молитвою мытаря: Боже, милостив:

За молитв святых отец наших, Господи, Иисусе Христе, Сыне Божий,
помилуй нас. **Аминь.** *[поклон]*

Тропарь, глас 2.

Помяни, Господи, яко Благ, рабы Своя
и елика в житии сем согрешиша, прости,
никтоже бо без греха, токмо Ты
могии преставленным дати покой.

Ин тропарь, глас 8.

Иже глубинами мудрости, человеколюбне вся строя,
и еже на пользу всем подавая, Едине Содетелю.
Покой, Господи, душа усопших раб Своих,
на Тя бо упование возложиша,
Творца и Зиждителя и Бога нашего.

Слава, кондак, глас 8.

Со святыми покой, Христе, душа раб Своих,
идеже несть болезни, ни печали, ни вздохания,
но жизнь вечная.

И ныне, богородичен, глас 8.

Тебе град и пристанище имамы,
и Молитвенницу благоприятну к рождьшемуся из Тебе Богу,
Богородице Безневестная, верных спасение.

Ектения: Господи, помилуй 40 раз и молитва об упокоении:

Помяни, Господи Боже, иже о вере и о надежди живота вечного, усопших
раб Твоих **имя рек**, яко Благ и Человеколюбец, превосходя грехи и потребляя
неправды, ослаби, остави, прости все вольное их согрешение и невольное,
возставляя тех во святое второе пришествие Твое, в приобщение вечных Ти

Малая панихида

Автор: Павел
18.05.2011 13:25

благ. О нихже в Тя Единаго вероваша, Истиннаго Бога и Человеколюбца. Яко Ты еси Воскресение и живот и покой Твоим рабом, Христе Боже наш, и Тебе славу возсылаем, со Безначальным Ти Отцем и с Пресвятым Духом, ныне и присно и во веки веком.

Аминь.

Посем:

**Честнейшую херувим, и славнейшую воистину серафим, без истлении
Бога Слова рождьшую, сущую Богородицу Тя величаем. [поклон]**

Слава Отцу и Сыну и Святому Духу. [поклон]

И ныне и присно и во веки веком. Аминь. [поклон]

Господи, помилуй, *дважды*. Господи, благослови. [поклон]

И отпуст:

**Господи, Иисусе Христе, Сыне Божий, молитв ради Пречистыя Ти Матере,
преподобных и Богоносных отец наших и всех святых, помилуй и упокой душа
раб Твоих в бесконечныя веки, яко Благ и Человеколюбец.**

Аминь.

**Рабом Божиим преставльшимся, отцем и братиям нашим, и всем
православным христианом, о них же и поминание творим: вечная
память. [трижды]**

Тропарь:

Покой, Господи, душа усопших раб Своих *имя рек*, [поклон]

и елика в житии своем, яко человецы, согрешиша,

Ты же, яко Человеколюбец Бог, прости их и помилуй, [поклон]

И вечныя муки избави, [поклон]

Небесному Царству причастники учини, [поклон]

и душам нашим полезная сотвори. [поклон]

Малая панихида

Автор: Павел
18.05.2011 13:25

Сие глаголем трижды, а поклонов пятнадесять.

И по сем три поклона с молитвой мытаря: Боже, милостив буди: